


敬業堂詩集卷十三

海寧

查慎



勸酬集

盡辛未一年

己未以後衣食奔走與德尹出入如相避庚午偪臘歸自具區德尹適從洛中旋里除夕酌酒相勞益十二年無此樂矣爰相約為杜門計盡辛未一年凡得詩如干首

元夕同顧伊人張昆詒集徐敬思宅分得燈字

自到君家飲量增也教小戶罄三升笙歌院隔新翻曲書畫屏開巧樣燈知有清光終讓月可無佳句冷如水誇張節物誠多事誰似詩人范致能

范石湖有上元紀吳下節物三十二

敬業堂詩集卷十三

一

韻

崑山一名玉峰周圍二里許似累石而成者唐張祐孟郊有詩與蓋嶼所畫山圖同留慧聚寺中向有石刻宋皇祐中王半山以舒州倅至縣相水利登山閱二公詩次韻和之時稱四絕淳熙中寺燬於火自唐以來名流題咏及揚惠之所塑毗沙門天王像

或云張愛兒所作

李後主所書榜額一掃無餘今進提閣壁間石刻三公詩乃後人補刻非故物也正月十六日同張昆詒盧素公登山感懷往蹟為詳考本末并系以詩

吳中園圃愛假山家家畫藁樞荆關此山本真翻似假

怪石疊起孤城間奇峯尤在西南頰縹緲玲瓏還戍削
遊人仰視一綫天信有孤雲生兩角幾輩留題盛昔賢
曾聞摹勒載名篇崑岡烈火精藍盡何物能爲金石堅
人間假合夫何有差是令名堪不朽我詩寫意眞取眞
啗點還須防衆口

德尹四十初度二首同潤之作

四十平頭齒未頽誰教辛苦逐風埃祝君此日無多語

正要飛騰暮景來

少陵詩四十明朝
過飛騰暮景斜

蒲柳桑榆各老成一杯相屬話生平十年多少回頭事
我是蘇家白髮兄

用東坡壽子
由詩中語

題又微姪投壺圖小照

敬業堂詩集卷十三

二

五經一笥咲老韶長養侍兒如許嬌卷衣風裏聽傳箭
近前爭賭蓮花驍

初夏園居十二絕句

人言瘦地差宜竹隣舍曾分一本栽尺八梢溝攔不斷
狂鞭攪過菜畦來

牡丹不稱種村莊開到春殘盡野芳栴棘補籬成片段
丁香香過木香香

亭臺廢後變溝塍欲置茅齋力未能大抵爲園多借景

別家高樹挂朱藤

方池一畝萍初合四月中旬未有蛙簇簇銀針齊上水
綠楊影動散魚花

莎軟鋪茵纔沒膝，圓擁織正遮頭。如花流過碧池去，
忽聽一聲黃粟留。

詩疏黃鳥黃鸝留也或謂之黃粟留

長年因病醫方熟，小草隨時藥料增。趣取連朝好風日，
帶花收晒驚絲藤。

閏年留竹苦防蠹，辰日種瓜須早澆。愛花更作晚秋計，
老瓦盆邊分菊苗。

鶯粟着子米囊小，蠶豆褪花皂莢成。莫欺老圃不工畫，
小碎詩篇如寫生。

去秋梧子收不盡，旋向根邊兩葉生。保得主人長閉戶，
四三年便看陰成。

自蟠老幹自抽條，長養仙家枸杞苗。不似苔華難獨立，
附他喬木號凌霄。

敬業堂詩集卷十三

三

鳴聲上下羽交交，雀穀初安樹一梢。啼殺斑鳩生計拙，
將雛時節定爭巢。

頭眠已過二眠新，蠶候叅差雜四隣。一月往來渾斷絕，
隔離時見采桑人。

橘薪

生意千頭盡園租，五畝荒子孫貧。敢計奴婢價誰償入，
室鉤衣破爲薪刺眼傷。更愁秋冷澹屋角，少青黃。

新竹

插植三年與作樊，又添客土護深根。主人愛竹老成癖，
看笋出林如子孫。

二月得長孫名興祖故及之

布幔和德尹二首

細竹輕竿稍出檐空庭得蔭比松杉
賽他畫舫齋中臥
平展江心一面帆

昔日開簾更覺涼
午陰屋角漏微光
呼兒勤掃蜘蛛網
方便花時蝶過墻

港
梅雨連旬河流暴漲
偶同德尹泛村舩
入菖蒲

雨急溝渠漲怒生
再添一尺與橋平
無端驚起江湖夢
聽作舩頭放楫聲

雨後

便從一雨望豐年
大抵人情慰目前
我比老農還計短

敬業堂詩集卷十三

四

只貪今夜夜涼眠

衰至

中年事事防衰至
不獨侵尋感歲華
誤去黑鬚因鑷白
旋揩昏眼又生花
顏唐老境詩無格
汗漫遊踪累有家
合是歸時歸亦得
趁收麥豆種胡麻

庭前草花與德尹分韻四首

輕刀勻剪翠葱籠
別圃移來土最鬆
累爾纏絲附枯竹
屋低庭小不栽松

女蘿

小兒稱長老稱翁
比似花冠約略同
消得閒人閒處看
可憐小草亦爭雄

雞冠

群群紅白隔窗紗
么鳳飛來骨髻鴉
老眼自看還自咲

種花猶種女兒花

鳳仙

位置瓷盆手自親，香透色如銀。斲歸我已家，如客還與南花作主人。

茉莉張叔敏呼爲遠客范石湖詩南花宜夏不禁涼

夢中得絕句似小遊仙詩醒而錄之

東海東頭拾火珠，抱來徑寸豈論珠。兒童莫逐黃金彈，咲向扶桑打赤烏。

舟曉次德尹韻二首

螢尾孤光合復開，灣頭風急却飛回。菰蒲深處一枝櫓，搖入漁人夢裏來。

狂蛙鬧雨群千百，遠火疑星點兩三。忽聽雞鳴鐘渡水，有人家處有茅菴。

敬業堂詩集卷十三

五

次韻荅陸柱瀾見訪

旅塵狂走十年餘，每到還家歎瑟居。髮變一頭俄向老，草荒三徑只如初。傷心短蘧經時泪，外舅射山先生已下世覆手

貧交屈指疎多謝，新詩猶念舊可能。懷抱對君抒。

程西村以如圃詩索和次原韻

人境何曾礙結廬，一椽朴茂似園居。勸荒自作披榛賦，得法新傳種樹書。老圃閒談真可聽，比隣初約莫教虛。笑他亭館多何益，無福能消鼠壤蔬。

七夕同德尹潤木作禁用故實

眼中七度如梳月，又帶桐陰入小樓。懊恼一天星似火，閨年今夕未交秋。

茨菰見唐人詩如白香山云渠荒新葉長慈姑
朱放云茨菰葉爛別西灣劉夢得云菰葉風開
綠剪刀未有及其花者余益池偶種一窠立秋
後忽發細葢每節叢生花開純白色如玉蝶梅
差小頗有清香因作一首以補詩家之缺

舊葉復新葉碧莖忽抽芽誰將綠剪刀剪出白玉花水
邊有秋意涼蝶來西家

惠研谿庶常從京邸寄到吳超士見懷詩四章

次韻奉酬並簡研谿

故人隔座呼同舍花底移樽醉小樓

余初識超士於研谿館舍

散作

兩萍漂水面遠煩尺鯉到沙頭狂名自悔迹難穩歸志

敬業堂詩集卷十三

六

差堅挽不留一窖黃塵殘夢外爲君牽動十年愁

飄瓦虛舟豈有因誰當入巽惜勞薪潛形那避含沙射

沈璧何來按劍嗔

來詩言及巳巳秋飲酒得罪事故云

桂樹叢荒招隱伴

楊花風墮倦遊人白衣蒼狗須臾事醉眼看來分外新

黃羊枰上守枯碁訝許人間獨亢眉一戒早開元亮酒

半年遲荅暢當詩迴腸徑路梯空險徹骨冰霜造物慈

贏對村童開口咲竿頭新作釣漁師

臥聽門前剝啄聲書來猶勸束裝行貧逢閏歲增薪米

病過新秋減送迎涼雨半窗初到竹碧尊千里正宜羹

也應世味多忘却除是難忘故舊情

種菊詩示克建克承兩兒時余將往湓城

擾擾十三載孤蹤混泥沙及歸翻苦閒何以銷年華種
菊亦偶爾惜此徑寸步春苗不分栽秋至焉得花
惡草既親鋤清泉亦手灌却將四體勤覲博兩目翫舍
之忽將去咲別東籬伴根是老人培花從汝曹看

夜初涼

人靜覺夜涼書帷傍清樾不忍陷秋蟲吹燈還就月

益城之遊未果作詩示德尹兼荅朱恒齋太守

貧賤胡可居無端兩憔悴侵尋歎末路鹵莽悔初志豈
無骨肉恩聚少別苦易分馳十年外廬舍任榛刺殘冬
偶同歸草草如旅次杜門得半載村巷傳異事不知相
見驩中有思親淚兩櫃猶在堂牛眠指何地堪輿及日
相時俗多拘忌吾寧葬吾親忍規子孫計所嗟藉物力
動輒故人累潯陽賢使君清俸煩遠致有生迫孤露久
矣衆所棄誰能念窮交尚舉麥舟義當之恐過分一感
再三媿佳招况踰期恒齋來札約余季夏至益城欲往未得遂我貧
荷見諒應并諒此意鴻雁滿江湖詩成特先寄

題馬漁村行路難小影

狂瀾打頭山壓面踟躕乾坤縈一綫我行畏路知路難
談虎還防君色變君家門前池水清對門山與樓簷平
此中徑路坦於掌作底胸次添崢嶸畫師寫圖如有託
洗耳聽琴差不惡可憐冰雪七條絃千萬勿彈塘捕蟬

送楊次也入都並簡尊甫太史公三首

八座重親未白頭角巾里第最風流孫枝本是階庭秀
擊輓看他又出遊

石渠天祿近何如欲讀應無未見書

用黃香傳中語

但約南舩

多載酒對黠官燭看銀魚

時端木媿夫人亦北上故及之

交情到爾凡三世得路憐余共一心重向別中留望眼

別愁終淺望終深

竹溪書屋爲又微聲山兩姪賦三首

竹栢陰交槐柳陰踈籬一帶棘除針自從新改橋邊路

大費花時曲折尋

記得當時卅角遊書聲愛聽出林丘兩家前輩多凋謝

又對兒孫感白頭

石丈兄與先君子情好最密每過裕菴余兄弟未嘗不隨行也

敬業堂詩集卷十三

八

夕火晨香共一龕閒隨清磬出花南居人盡識藏書處

碧蘚蒼藤白石菴

用李公擇事

沈稼村太史招飲耿巖草堂

十里秋光雨洗新稻花香路淨無塵門依曲沼難通權

居近東家愛得隣却對杯棹寬禮數每聽談論長精神

回看宦海波濤濶轉羨收帆到岸人

壚墟舟中口占同德尹作二首

水面浮漚的的圓采菱歌出采蓮船此歌賴是吳兒唱

若是吳孃更可憐

樹低草沒一叢叢曉日橫生白蕩風拍岸水痕高一尺

布帆抄路稻田中

膠城孫愷似編修欲行善於其鄉竟遭吏議今
方罷官就訊吳中相遇感憤成詩

蒼狗如雲極可哀危機翻自詔恩來家承忠孝身尤
重禍起衣冠勢易摧善不可爲寧論惡人皆欲殺我憐
才乾坤直似蝸廬窄懷抱除非醉始開

胥門曉發

月落日未升大星明一箇舟人貪早起客子便晨臥忽
聞水氣腥知有漁榔過

長水塘夜泊

高埭接長橋橋形落蠓蟻市喧夜微息犬吠船猶動可
憐一川月細碎如潑汞忍負好秋光推蓬兀殘夢

敬業堂詩集卷十一

九

庭桂初開隣人有來乞花者

吳閫十日遊歸櫂及秋仲入門視庭桂破蕾暗香動常
時花最早七夕露華重苦怪今年遲曾經上年東西風
不吾私吹散香滿街頗有好事翁叩戶乞清供披衣揖
使入手折寧煩送譬如此根株本自隣家種我生無長
物有者皆可共配花稱主人毋乃被嘲弄

豆棚爲風雨所壞

平生乏鮮肥肉食非所慕偶然營口腹蓄念計必誤春
種瓜豆苗愛養叢孩孺插竹就茆檐縛繩使之固初看
弱蔓引漸喜衆葉布絲瓜夏蚤結落蒂甘於瓠菹豆開
獨遲白花待秋露及茲綠垂莢採摘在晨暮夜來風雨

狂傾倒莫支拄老饕自安分物理庶可悟托名得蛾眉
本草白菹豆一名蛾眉豆吁嗟難免妬

題高錫純羽士畫像

猛虎入群牙爪悍衆蛇齧索懸石斷平生却咲費長房
學道工夫纔及半葛陂拄杖辭壺公隨身霹靂搜蛟龍
道人有道兀不動心在一輪圓鏡中
後又題云圓月當空光生何處撥開

雲霧請師全露

八月十五夜與德尹桂庭對酌三首

半年門徑草芊眠除草開場爲月圓月正當頭花照眼
此花原是月中仙

昨日方愁雨打扉夜來不料有清輝可憐萬事盡如此

敬業堂詩集卷十三

十

居者別家行者歸

時潤木獨留邑中

看來南北東西月只與今宵一樣圓却對團圓感離別
人生能幾十三年

東田看稻

雲氣散如濤秋田罷桔槔漲痕侵岸潤稗草比禾高米
卜豐年賤農憐瘠土勞預期營一醉歸去滌新槽

沈孟澤索題小照二首

桐陰寬罩一方苔流水聲中洗耳來若是補圖須補竹
琴材已具少簫材

神理真傳老畫師毫端躍躍動須眉人間別有膏肓病

看取先生袖手時

沈精于醫

聞村家打稻聲

鶻豆籬邊捫腹行情游筋力負歸耕自慙飽喫豐年飯
閒聽隣家打稻聲

九日寄諸弟湖上

如此秋光帳不同湖天無雨又無風白蘋未改空洲綠
烏柏長先萬木紅好事誰還能送酒浪遊吾轉悔飄蓬
兩峯緣淺登高會懶到今年似蟄蟲

重陽後二日雨霽行園

兩尖家門山登陟昨乃阻曉晴已過節興盡力難努我
衰万事廢所樂在蔬圃早菘種旬日行列紛可數蟲來
蝕其苗饕餐猛於虎一寒爲掃除正賴夜來雨宿根發

敬業堂詩集卷十三

十一

餘潤新葉換翠羽池西木芙蓉紅白相媚嫵下有二寸
魚花影嚼復吐何來兩鵝鶻雙翅勇自鼓公然啣魚去
飽食不避主可憐病橘林凍裂上年土坐視千緡荒官
稅私莫補天心有傾覆肯諒貧家苦物理苟不齊吾寧
守絲窶

鞭筍

雨後竹走鞭於鴻瘦相引小僮撥土裂劔取如拾菌烹
之媚盤餐下箸吾未忍寸鞭何足惜惜者來年筍

收芋

芋肥莖葉長芋瘦莖葉短率以鹵莽報吾願良易滿年
豐百物登磊落光堆盤其魁蹲如鴨小亦伏殼卵

立冬

節候攬暮秋初陰猶未壯南檐白日影入室已一丈門
簾布差密窗紙油逾亮坐看佛前香無風烟縷上頻年
遠行役浮氣逐塵埃裹茸插兩手故與嚴威抗如今矮
屋中尚欲設屏障寧非老將至嗜好改前尚興到聊復
吟都忘往來相

落葉詩五首和趙漁王范用賓

靜中初有聲策策起林薄俄聞響簷瓦急點疑雨作開
門日滿庭始悟風隕籜徐行踏殘葉仰見巢枝鵲鵲噪
一何喜鴉鳴一何惡客緒本無端誰禁對搖落

好景忽潛移丹黃換青綠丹黃亦隨盡假以絢吾目失

敬業堂詩集卷十二

十一

蔭無密林蔀家有豐屋嚴霜挾時令顛顛非一族何殊
百萬師委甲填坑谷

摧壞寧自主出林竟如狂初來聚堆阜倏忽還飛揚不
妨穿我籬慎莫打我窗籬穿可徐補窗破風滿牀

春花得人憐飄蕩尚苦遽天公肯汝惜狼籍等敗絮從
來擇庇群多成踐處君看西家葉又過東家去

荒居環雜木最怕冬來風如駕一芥舟震撼驚濤中幸
賴杜陵老前月已耳聾人生有聞見榮悴方無窮

欲遊雲岫不果戲示德尹

吾鄉鷹窠頂陡起東海邊飛鳥到山止東南水浮天常
聞十月交登臨得奇觀天文眞角氏日月行同躔憑高

視倒景長在寅卯間初生兆一魄摩盪蛟龍淵須臾一綫紅迸出白玉盤
晝然劈作兩對射光相穿白者忽潛形孤輪躍紅丸是名爲合璧
故事山僧傳山僧老白頭歲歲居山巔目擊凡幾箇流傳徧人寰
嗟我與吾子好竒結前緣足跡半九州所到窮山川如何名勝地近失
耳目目前昨聞大阮介菴叔語便思陟巘岼朝來復遼巡相對亦可憐
勝遊無近遠人苦不得閒既閒或少伴得伴長無錢乃知意興豪必及少壯年
一慵百事廢豈獨登山然

題曹希文祓蘭圖

暖水澆花曉尚寒試憑纖手摘來看神仙舊是瑤臺伴

敬業堂詩集卷十三

十三

再到人間合夢蘭

後落葉詩三首

衆葉四散飛寧飈亦蹙停枯叢剝數點有如塊粘萍又如將曙天尚帶三五星
鳥雀聚疎影夕陽到空亭時還墮一片夢化蘧蘧形

向榮旣欣欣黃落亦槭槭却將傍觀意爲爾生分別何如兩相忘造化本無迹
山僧撥葉至或嫌門徑窄吾嬾不出門門前任堆積

我吟落葉詩如與落葉語年年走關塞搖蕩愁見汝馬頭聲蕭蕭打面風帶雨
吳霜點兩鬢歸作故林主故林豈無春過眼同逆旅後時感獨立孰是歲寒侶

題高江村先生泛槎圖小影次韵

葛陂龍化杖如仙欲捲銀河瀉作泉除是先生能鎮定
波濤人海正粘天

雪中呂山劉見過

去年別君處吳中正連陰雪花大如席開船太湖心今
年君過我海天又寒凝去聲輕冰觸篙破清脆聲可聽一
年復一年能禁幾回老與君迫暮景為別常恨早我有
一斗酒可以禦北風酒熟挽不留問胡太匆匆君言既
相見興盡我當去正如上番來彼此兩不遇去冬山劉
過里中余
未返

曹希文以端硯詩四章索和即疊原韵

敬業堂詩集卷十三

十四

溪光如眼綠潭潭洗髓何辭一再三碧落數星瞻夜斗
冰納半尺剪春蠶梓分琥珀知難並匣配琉璃定不慙
三十六鱗煩寄取好磨濃墨寫雲藍用段柯古
詩中事

紫雲一角割天南秀色猶看帶嶺嵐束峽波濤時一湧
濕毫風雨潤長含來疑巖社光吞月去恐延津勢躍鐔
神物自來須善保有求容易遂虞曩時有欲得宋齋執
法硯者故及之

巖洞烟霞笑未擅欲隨翡翠竟巢南筆因興到詩情淡
嗜與年深石性諳圭璧方圓形總肖龍蛇蟠攫力誰堪
兩都賓主如相見淬瑩才鋒出健談

雅好雖多不厭貪眼中似爾亦奇憨一生自許癡無偶
兩手從誇硯必三古人以貪多者為兩手三
硯希文蓄石最富故云俗論掃空

和氏癖辦香爭識米家菴新宮銘草誰先就仙掌摩挲
與細探

食齋

朝來食指無端動走覓隣園又一奇薄雪乍消青冑土
滿籃香齋未花時

冬夜宿古衡山先奉政公祠下感賦

路滑冰堅賴短筇到來支枕榻纔容透窗燭影寒於月
拏雪松枝健比龍老屋將傾傷世澤墓田久廢媿春農
十年塵夢憑呼覺金粟山頭一杵鐘

除夕示德尹潤木信菴四首

前夜雷霆了不驚三日前大雷電靜中擾擾惜羣生一村野犬

敬業堂詩集卷十三

五

多狂走多事隣家爆竹聲

山妻椎髻子頭蓬布褐隨宜稱老翁特與孫雛破年例
抱來膝上換青紅

從前筆墨粗償債削藁存來得幾何剛是今年無可汰
應酬詩少唱酬多

村巷無雞漏板遲漫漫長夜夜何其野人預辦朝眠熟

怕作新年日蝕詩

明年元旦日食

敬業堂詩集卷十四

海寧 查慎行 悔餘

盜城集

起壬申正月盡七月

庚午春朱恒齋由刑部郎出守九江枉書見招踰
年始往踐約既為輯廬山志復遂廬山之游賢地
主之貺我良厚矣

禾中與德尹別

四海皆兄弟何人似卯君也知年向老不合手頻分夜

夢留殘月春帆感斷雲得歸吾早決負土共成墳

時方計先

人墓事

吳江留別張弘蘧庶常

敬業堂詩集卷十四

一

南風激船如釋箭片帆曉發平湖縣百六十里半日程
第四橋邊一相見開懷各話別中事蒼狗浮雲凡幾變
三年善病君差強君但憂貧不憂賤我今落魄仍江湖
明朝又欲西辭吳酌君之酒與君別楊花拂頭鬢雙雪
夾浦橋阻風

夾浦橋南客棹孤雨聲連夜洗平蕪東風吹淺吳江水
半作春潮漲太湖

山塘晚霽

最好停橈近酒家放晴天氣日初斜盆梅謝後蘭芽茁
正月蜂聲未鬧花

曉渡西泖回望宜興縣郭

櫓聲西入蝦籠嘴波面微微過沈風濃日吐烟烟吐樹
浮圖一角是城東

蝦籠嘴西
沈港名

高淳

縣小無城郭橋長即水門魚蝦鯉作市鵝鴨鬧如村曲
曲橋隨岸叢叢柳抱園漸知江路近盈縮視潮痕

渡蕪湖關

兩槳前頭水勢寬曉風吹得敝裘寒漸空杼軸憐民困
老閱波濤信路難此去罟師聊作伴從來隴吏必嘲官
時官舫為
津吏所阻
未夏秋間與先兄緒菴同遊
地也彈箏集兄紀游篇名

荻港人家杏花

敬業堂詩集卷十四

二

輕舸細雨江村路路過眼東風見杏花略似小車逢綺陌
不知紅艷屬誰家

雨中過銅陵

沙尾沿流曲作堤青山一半吐城低洲空亂雁爭歸北
路轉千帆盡向西正剪渡時風乍漲最含烟處柳初齊
客程已厭連朝雨不要春鳩更苦啼

雨後望九華山

橫看不與側看同九朶芙蓉並插空去鳥已衝殘雨沒
歸雲忽漏夕陽紅劈開華掌層層翠使盡湘帆面面風
終是詩人言語大携來直欲置壺中

東坡名仇池石
為壺中九華

荷葉洲對雪

在大通
對岸

梅根浦口風尤緊荷葉洲前雪正濃兩岸曉雲深似墨
一條春水健如龍

唐羅隱曾卜居九華山下梅根浦按
縣今大通有水自九
華山麓出江即此也

雪晴池陽舟中

曉行池陽路霽景豁清美江南江北山照影同一水半
銜殘雪白半插斷霞紫眼前有奇句只在空濛裏我嬾
吟未成風吹櫂歌起

大風至劉婆磯

江豚忽掉頭微動青玻璃俄看黑雲起遙指天南陸須
臾隊我前橫截江兩涯拔江噴作雨白日潛光輝初疑
鰲山傾又若鱷窟移舉舟向空擲綆斷誰能縻長年束

敬業堂詩集卷十四

三

手嘆有力不得施而我于中流高枕故咏詩明知怖無
益聊復忍少時男兒可憐蟲造物終見慈既濟乃思痛
嗒焉中心脾投文訴江神略陳危苦辭水從西南來風
亦西南吹誰歟激使怒若是不可磯自我涉江湖十三
年于茲南浮及北渡履險間有之此胡太酷烈性命輕
嶮巖仕宦涉江來揚帆若揚鬣船尾點畫鼓船頭插黃
旗大賈涉江來滿載居羸奇放溜如放馬控縱從人馳
我船何所載載書載鴟夷壓浪一葉輕疾行固其宜如
何強弓彎寸進恒苦遲神于我乎薄厚彼寧獨私咄哉
窮旅人初受俗眼嗤揶揄到五鬼漸漸伺路岐惟神實
正直倚賴相扶持今朝大戲劇漂泊將誰依禱罷似有

感撫枕魂依稀神來入我夢責我大有詞風水渙成文
變化豈汝知滔天初濫觴至險出坦迤汝以耳目料何
異握管窺汝又好遠遊遠遊計終癡萬里走從軍還家
仍布衣十年就場屋逐衆趨京師人皆取魏科三黜名
獨遺謂宜自揣量息影甘荆扉茲來非宦遊又非競刀
雖皇皇義奚取放浪形骸為汝居頗有園園中頗有池
好風皺池面浮花舞漣漪此豈有驚波來溷汝息機汝
自捨之出去安而即危不聞南山躋下有季女饑不見
東海畔中有踏浪兒兩者聽自取決擇休然疑叩頭謝
江神痼疾神所治大夢喚初覺行當早旋歸

題樅陽旅壁

敬業堂詩集卷十四

四

噩夢驚回路已賒艸艸船上櫓伊鴉青山繞屋無修竹
山皆頑石不產竹紅袖當壚有杏花野渡漸生沿岸火春流未
沒去年沙綠楊影裏初弦月人隔烟江正望家

田間先生聞余至自青山命駕來會喜賦

春風弭楫向樅陽舊約多年不敢忘

先生在都下送余南歸詩有秋到皖

江尋舊好可能一問白頭來之句

四海平交無行輩兩朝軼事在文章

從知老境難為客誰與先生特置鄉一片青山高插漢
巋然真似魯靈光

花朝晴示僧道楷

初日烘雲碎作霞討春人競出江涯老來不喜閒桃李
別約山僧看菜花

自縱陽至楊樹灣道中即目

併日春光鬪物華馬頭胡蝶太天斜誰知駭綠紛紅候
還有春風未放花

義津橋外見碧桃
一樹猶未放花

三角潭

春禽交交鳴綠楊征夫辨色早束裝前行十里霧未醒
驢尾秃速驢耳長朦朧人語遙喚渡約略村落開微陽
烟光兩岸溪一曲樹影四匝潭中央菜畦麥隴桃李徑
高間紅白低青黃新鵝野鴨好毛羽拍拍飛出沿方塘
田家之樂樂何限頓令過客忘他鄉只愁霧重天欲雨
橫策又上黃茅岡

桐城謁左忠毅公祠

祠在縣治
東數十步

敬業堂詩集卷十四

五

歷歷三朝事他時髮指冠賢人當橫決國勢必摧殘俎
豆新楹肅乾坤正氣完如何鄉後輩備有孔都官

謂懷
寧也

過田間先生山居相留信宿出示藏山集再賦

二詩博和

層巒俯瞰萬松梢中有高人舊結茅自入鹿門詩一變
竟馴龍性易初爻雲盤遠勢鴉翻陣花作新泥燕補巢
未免累翁雞黍約往還原不拒貧交

比似仙源那易尋避人畢竟要山深誰教鶴怨猿啼客
來聽鸞歌鳳舞音語雜談諧皆典故老傳著述豈初心
好看龍馬精神健東武時為抱膝吟

三江口苦雨

那糾磯頭雨殺風千檣烟氣濕濛濛楚天低壓平蕪外
何處青山認皖公

大雪渡馬當

臥看穿雲日色黃起聞鯨吼北風狂新詩也得江神助
雪打春帆渡馬當

順風揚帆時閉目靜聽如空山梵唄殊有會心

破浪風前萬鼓鳴喧囂原向靜中生無心只作深山聽
一樹松濤起梵聲

與九江太守朱恒齋

一麾暫出領名邦九疊屏山九派江正喜為郎猶未老
早聞治行已無雙謳歌滿境鶉音革軒冕巡城帟氣降

敬業堂詩集卷十四

六

時有虎至郊外君移
文城隍神一發磴之依舊官居精典籍只多鈴卒晝敲

柳

二虎歌 并序

壬申正月有兩虎闌入九江西門外龍開河傷一人
已而逸去市人惴惴恐其復至朱恒齋太守齋戒為
責躬文翌日大會屬員於城隍廟

即漢將
軍灌嬰

及宋大夫

祠下

漢九江
守宋均

既焚牒告神則命虞人披弓矢火器窮

追之期于必獲越五日瘞其一至是盡殲焉黃質黑
章猙獰可怖聚而觀者數千人咸謂使君至誠感神
能力除民害也適余至九江目覩其事作歌以俟采

風者

盜城連山猛獸多兩虎突入龍開河腥風偃偃日杲杲
白晝市上無人過使君視民如赤子威鳳生儀麟有趾
豪強斂戢盜賊清爾獨何為至於此灌將軍廟宋公祠
能捍大患則祀之撞鐘伐鼓會僚佐第一先焚責已辭
與神後先俱守土政拙慚余不如古愛其父祖及子孫
忍畀孱人飽號虎明朝大獵城南闈毛風血雨迷荆榛
特開一面縱雉兔死不當罪傷吾仁須臾虎自林中出
小者先擒大者逸雖擒一虎戕一人其勢公然兩相敵
此時伐罪更有名合圍再往大掩群潮州鱷魚必盡殺
不信請讀昌黎文虞人眼疾如鷲鳥餘勇登崖鬪牙爪
咆哮一聲山忽裂火箭飛空碎其腦黑章黃質毛斑斑

敬業堂詩集卷十四

七

旗杠壓肩奏凱還猶防作力斷急縛血色併出雙睛間
道傍觀者爭太息自古神功扶正直百年兇暴一朝除
此事知公有陰德江邊戶戶皆椎牛從此山無樵采憂
詩成大咲冠纓絕我正欲作匡廬遊

廬山之遊未果呂灌園有詩索和

栽我拍雲峯拔地幾千丈仙靈晦高跡元氣棲蒼莽朝
來雲抹腰露頂氣一爽蓮花本無蒂蒸出仙人掌拂鏡
眼雙明扶烟鳥孤往勿嗟遊未到遐矚寓心賞但恐身
入山依然結塵想

西門之役既連斃二虎矣後五日復獲虎子二
呂灌園作後二虎歌再次其韻

虞人入山官吏賀擣穴成擒無小大盡將醜類肆市朝
不許兇雛草間臥去如烈火歸如風覆巢破卵五日中午
獻肩獻縱來接武貫蝨精神用強弩擔頭縛作春筍斑
一一竒毛入官府餘威假托雖有徒不聞王政寬無辜
賊吾民者殺無赦別有淵藪容逃逋弱食頗分強者肉
倚伏機難論禍福春行秋令公所憐陰雨隨車洗餘毒
是日大雨以寬濟猛在酌宜潁川有鳳方來儀殺胎豈惟禁
獵戶竭澤兼欲防漁師庶幾百物稱蕃息童子仁心使
君德我為此語非養奸若是兇豪須斂跡

楊花同恒齋賦

散作輕埃滾作團不成花片但漫漫春如短夢初離影

敬業堂詩集卷十四

八

人在東風正倚欄微雨乍粘還有態柔條欲戀已無端
祇應老眼憐輕薄長自摩挲霧裏看

初聞黃鸝次灌園韻

一聲流過小窻前去國關心又一年圓入客吟同宛轉
熟聞鄉語倍纏絲畫樓脉脉通春夢碧樹茸茸暮曉烟
爲是好音須愛惜自憐終勝受人憐

同呂灌園鄒仙來諸君遊甘棠湖登烟水亭次

壁間舊韻

長烟濛濛春澹澹草色波光晴颭艷廬山翠掃兩角雲
倒瀉杯中青一片舊開小閣壓紋縠時見飛帆掣流電
背部人如燕雀稀點沙舟與鳧鷖亂地偏絲管曲嘈雜

市遠塵囂風截斷可憐俗眼競喧湫誰肯清遊期汗漫
同時數子興不淺佳句澄鮮分謝練莫辭勝境日日往
預恐萍跡紛紛散何當春酒變成湖醉過鶯花三月半

東坡送劉景文詩云春酒一變甘棠湖自
注云景文卜居九江近甘棠湖即此地

琵琶亭次宋郭明復舊韻

春江帶城沙嘴白弓勢彎環抱新月我來縱棹半日遊
敗意眼前無一物吟詩直入老僧家小技忽癢難搔爬
分明有句和不得古調豈叶箏琵琶先生不作誰與語
白日茫茫變風雨男兒失路雖可憐何至紅顏相爾汝
與公相去又千年依舊荒城無管絃掃空題壁孤亭在
咲指門前浪拍天

敬業堂詩集卷古

九

江州雜咏四首

依舊江關俯麗譙居人指點說天橋

明太祖破江州事

戰迴左

蠡軍容壯鑿斷殘岡霸氣銷

東門外有天子堂相傳劉誠意惡陳友諒都此得勝

地故鑿之鎮將南朝偏跋扈部兵西楚最輕剽

指左良玉自袁繼成事

從血洗孤城後九派空回寂莫潮

天文容易掃欃槍隣郡猶傳戍鼓鳴

戊辰夏楚盜破武昌黃州

鴉鵲

自朝英布廟

北門外九江王廟至今血食

魚龍曾擾灌嬰城紛紛設

險寧論地往往時危獨被兵

按史自北宋以來凡四屠城

四十三年

休養力不知何福享承平

峭削峯巒北面當雲頭一半割南康高僧舊入遺民社

世業誰留佚老堂三劫烽烟埋洞壑百年文物遞滄桑

名山志在真難續或有奇蹤蹟渺茫

時余方輯廬山志

別開官署射亭傍一角頽城壓短墻螺髻浮青虛劔匣

府署正對雙劍峯宋乾道中蜀人唐立方闢地作二城轟樓其上謂之劔匣見程史雉媒平綠展

球場船稀小步初移市客上高樓必望鄉

樂天詩三百餘經多少望鄉人添得黃蘆侵岸濶舊遊回首獨神傷

庚樓直府署北

余作江州雜詩灌園既垂和續為潯陽行感慨

淋漓讀之使我心惻因推本其意再成長律四

十韻首言風土次序東晉以後迨明初一一竊

據事終於寧南乙酉之禍此州被亂情形始末

略備休養生聚其在斯時乎並邀恒齋太守同

敬業堂詩集卷十四

十

賦

鼓角悲涼地山川要害城一州當孔道萬里控江程近

楚風猶悍吞吳氣未平鳧鷖飛易散魚鮪竄多驚戶少

移恒業田磽廢力畊兒童知矢石婦女識旗旌不諒流

離苦翻疑性命輕舊文徵史冊殘局愴棋枰置郡名長

易秦為九江郡漢屬吳國三國初屬武昌後置潯陽郡

定江軍元置江州封王面或黥

謂英大都當用武未有

不稱兵建業朝廷小潯陽肘腋并中原方轉鬪南服暫

維寧草草圖王計寥寥伐叛聲奸雄雖反覆使相必忠

貞間倚屏藩重頻扶鼎鼐傾

晉永昌中陶侃領江州平王敦咸和中溫嶠義兵由潯陽趨建業斬蘇峻隆安中劉毅何無忌輩敗桓玄于嶧洲梁承聖中陳霸先以江州刺史定侯景之亂

艱虞經劍運成敗付閒評是物關天授伊誰敢力爭每

聞稱僭竊旋見就擒烹宋泰始元徽中晉安王子勛桂陽王休範梁天監中刺史陳伯

之俱以江州反未幾就平南宋建炎中李成陷江州為張俊岳飛所敗元至正二十年陳友諒以下專指左

號漢改元大昨者民何罪今來憤尚盈良玉屠城事勤

王須奉檄犯闕爾無名灞上隨兒戲洄中咲客迎崇禎甲申

良玉避流賊鋒欲遁九江遊擊胡以寧鈞致之住關廂

一年已而返武昌至乙酉春監軍御史黃澍偽藏太子

詔召良玉入攻馬士英良玉信之遂於三月二十七日移兵至九江將軍停鎧仗辨士絕

冠纓柳敬亭為良玉幕勿戢兵猶火搜牢地盡阮初良

武昌挾楚督袁繼成以往至是與繼成標將郝二連營

九江城外四月初四日遂縱兵焚掠殺男女二十餘萬

摧殘鋒太酷屠戮禍交搜漂血長溝赤燒空烈焰晴押

綱連萬艦宋曹翰屠江州取廬山東林鐵羅漢五百捲

敬業堂詩集卷十四

甲拔諸營作俑歸曹翰江州屠城自翰始前此未有也貪狼甚李成即

建炎中天誅旋幸伏兵發九江良玉殺氣驟難清落籍宋

反賊銷灰劫招魂異死生若非敷大澤何以起疲氓牙蘖枝

初發勾尖草乍萌及時資愛養太守賴廉明冷署依雙

劍峯頽垣寄一楹涉園除瓦礫課僕種蕪菁耗折空餅

粟支吾折脚鐺官貧仍逆旅吏隱亦柴荆曉雨排衙坐

春田露冕行設施看次第氣象卜豐亨蟋蟀還農俗琵琶

遣宦情篇成聊紀實大雅待君賡

石鐘山

鄙陽吞天來噴薄南出口江流不能敵抵北乃東走懸

崖峙西灣水勢掃如帚孤城良其背外捍賴兩肘靈區

聚神奸石狀雜妍醜平鋪理橫截旁罅中劈剖熊羆饑
攫人竒鬼起援手蜂窠掛篙眼身卵破甕缶一一皆下
垂中空無一有有時應鞞鞞照影見星斗忽然風喧逐
聲作蒲牢吼年深追蠹壞兼恐石斷紐惜哉坡公記石
刻泐已久蘇公石鐘山記舊刻于南鐘石上明
正統己巳石裂仆於水今失其處矣茫茫宇
宙間孰是真不朽

月夜自湖口泛舟還淦城同恒齋太守賦

空江夜東注月光似俱流舉頭看青天水去月自留移
帆忽西向月又隨我舟而月豈有心適與吾目謀澄觀
得靜趣含景無停休不辭川路長獲此清夜遊遠樹小
池口孤鐘鎖江樓須臾燈燭光候騎迎沙頭誰知太守

敬業堂詩集卷四

三

樂夢亦同鳧鷗

春晴曲效溫飛卿體

朝陽透簷鵲聲喜烟外遊絲風綽起馬拂花髮驕欲嘶
招招酒旆垂楊裏蕉衫筍屐稀出城上樓曉看南山晴
平春遠綠望不到一幅錦機新織成江聲剪斷尋芳徑
九派澄光鑄明鏡柳花散作千點萍日夜東流知水性
三月十七夜與恒齋月下論詩

庾公樓外月飛光上雲崖此時兩相對此景良自佳我
挾山野性尋君到衙齋不棄貧賤交酬唱晨夕偕脫畧
分雖忘終不雜恢諧所商在文字虛受非擊排縱論古
與今瀉胸走江淮力欲追正始旁喧厭滯哇向來風騷

流汎濫無津涯可傳必有故長松出樊柴明明正變途
花葉殊根菱須求作者意勿使本分垂新詩壓時賢高
朗洵少儕當與古爭勝拾級已得階人言簿書煩正坐
乏雅懷君懷皎如月塵霧其能埋

魚苗船

幾片紅旗報販鮮魚苗百斛楚人船憐他性命如針細
也與官家辦稅錢

曉晴咏恒齋庭下芭蕉

放晴天色愛清朝間赴風前翠袖招忽見主人窗下綠
始知夜雨為芭蕉

杜牧詩主人
窗外有芭蕉

九江向無鱗魚網戶忽獲一尾以饋太守晚餐

敬業堂詩集卷十四

三

分瞰作三絕句

鮑魚子鱗賤如毛何物能令市價高從此溢城添水產
白頭春浪出銀刀

四月家鄉記飽餐朝來拍動豈無端似防遠客歌彈缺
破例相隨過鴨欄

鮑魚不過鴨欄驛以魚隨
湖上潮到小孤輒回也

三百錢償一尾鰈擊鮮原不累民間可知太守清如水
豈在懸魚絕往還

署庭蓄錦雞且一年朝來忽飛去恒齋有詩屬

和

為爾無端惜剪刀養成六翮竟如逃啄餘香稻新拋粒
收得雕籠舊落毛群入家雞終不亂飛隨野鶴便能高

人間是處多羅畢文繡深林好自韜

明日吏人以錦雞來視之即昨逸去者再作一首

勿論城市異山林性在終知去意深誤故樊籠驚遠舉
特憐毛羽募生擒舊曾相識緣文彩待爾重來伴苦吟
從遣周防是誰過主人初不起猜心

初夏坐烟水亭望廬山二首

一奩明鏡插芙蓉積雨初晴翠靄濃萬疊好山看未足
又添雲勢作奇峯

分明寫入畫圖工倒影看來上下同忽失水中山一半
浪紋吹皺日高風

敬業堂詩集卷十四

十四

余方輯廬山志擬入山訪舊蹟頻為雨阻恒齋
有作和之

日日開軒對翠氛勝遊偏阻鹿麋群不愁湓浦長多雨
但恐匡山化作雲紀事欲真須眼見異書難便信傳聞
一條柳標從僧乞可要籃輿累使君

芭蕉恒齋再索和

一葉復一葉自然成綠陰後先如有序舒卷豈無心漸
覺空庭窄能添曲徑深野人新得句題罷亦長吟

夜夢入廬山桃花滿谷一僧指云此杏林也因
誦樂天遊大林寺絕句夢中了了醒而以詩紀
之即用白韻

指點仙家手自栽桃花却傍杏林開眼前一咲真成幻
公是身遊我夢來

午酒初醒

兀兀醺醺坐日斜
爽神全賴閒林茶
三竿砌竹搖風影
一箭盆蘭得氣花
夢枕易消非實境
丹爐難轉是年華
江城節物關何事
催得遊人獨憶家

生日書感

落拓差堪比牧之
江湖曾費十年詩
早衰鬢髮非無故
暗減心情只自知
酒盞每逃狂客座
杖藜將赴老僧期
尚慚習氣除難盡
盡間與人爭劫後棋

梅雨二十二韻和灌園

敬業堂詩集卷十四

五

五月溽陽雨蛟龍正鬱蟠地浮三楚濶雲納九江寬
暴漲搖城郭餘波溢井幹鄱湖連浩淼廬阜失巒岬鳴鶴
翻依樹飛魚不上竿及時陰已動退位火疑殘天氣昏
連曉人情暖易寒蚊飛偏攪畫蛙鬧故侵官舊縷蛛穿
網新泥蝘築壇竹皮流薄粉桐乳墜輕丸蕉翠宜沈綠
榴紅信渥丹濕螢光燄短抱鵲羽毛乾柳壞蟻螬匿墻
空蜥蜴鑽案蠅沿硯水穴鼠齧盆蘭物理尋常見詩聯
貼妥難爐香縈几席徽黝上衣冠不出拋芒屨無聊却
扇紉老嫌書幌暗病覺布衾單冰簟涼貪睡琴絃緩廢
彈入舟同寂莫着屐試蹠跚直欲登樓去還從倚檻看
空濛雖變態縹緲必奇觀

寓居近在庾樓下
而不得登故云

雨中廬山僧書至

社裏何時著少文書來猶未斷聲聞千峯濕翠隨行脚
帶雨開緘一屋雲

階除積水課力疏下流放之射圃隙地

尺寸階前地無源本易盈只應兼土濁那得入江清曲
折隨人意高低驗物情下流荒圃在吾枕厭蛙鳴

曉吟

江聲入戶竹風急樹影過牕山月斜誰共此時留此景
殘更煞後未啼鴉

次灌園溲陽唱和賦感見贈二十四韻

大火方司令餘威未解嚴夕陽明杲杲殘雨過霏霏書
敬業堂詩集卷十四

六

少渾難借棋低又嬾拈移時看燕乳隨意聽魚噉圃廢
閒誰治江喧近可嫌談諧須得伴與會賴相兼洗甕晨
浮蟻推窗夜候蟾學禪根器鈍鬪韻筆鋒銛鄉信燈空
卜歸期夢代占山中俄換葛野服待分縑我氣貧旋挫
君懷老益謙悲歌翻變壯醉語誤疑謔鴻爪泥長印蛛
絲羽易黏勝遊宗炳畫往事季心鉗灌園為吳江大司馬之子甲申以後
因亂破家

止沸吹壘冷焚枯過劫炎乾坤全晚節畊鑿合窮

欄

君有別業在玉屏山中

爛熳三秋菊崢嶸百歲柀以閒聊送老

所得詎為廉幸舍猶彈鋏成都想下簾商聲流石齒仙
氣入霜髯高浪晴湖濶奇雲夏岫添掉頭隨去住放跡
等飛潛澗壑終難返塵埃久屬厭天涯同拙滯吟罷寸

心愜

江漲八韻

頗怪連宵雨重雲尚合圍忽聞溢浦水已上庾樓磯急
鼓爭趨陣高春怒發機九龍多被譴萬馬孰能韉魚健
衝人過鷗輕踏浪飛淘沙原自濁流惡想尤肥幸勿侵
三版還防没半扉村橋新漲好吾欲放船歸

余所居名橫漲橋

晚晴

曉愁暴漲與堤平意外斜陽得晚晴小閣放教雙燕出
高梧忽帶一蟬鳴便思對酒難消暑若要看山合上城
浪籍殘雲飛不盡江空留作斷霞明

連日苦雨江勢轉盛聞小池口一帶已成巨浸

敬業堂詩集卷十四

七

感賦

見說黃梅縣連朝浸渺瀰雨中隄盡壞江口地尤卑農
事侵饑溺天心望轉移可憐關隴旱竭澤正斯時

午後有人自廬山來云昨日白龍潭起蛟故水

暴漲

瀑布聲中雨瀉檐洪流百道走城南山橋衝斷採樵路
歸報夜來龍洗潭

廬山大雨驟至人謂龍洗潭

曉齋望南昌歸信

十日荒城聽雨聲壞墻前後露株楹蛇因亂草當階臥
蝸是空坳積水生喜動眉間看曉色夢于枕上算離程
故應乾鵲知人意已報歸期又報晴

桐陰和灌園

積雨晴來暑倍加
午陰端愛片時遮
展開疎簾三間屋
掃過空庭半月花
清露欲流濃作乳
碧天初洗澹無霞
如何葉底留蟬蛻
長聽高吟在別家

試奕次灌園韻

澹墨行疎紙
畫枰兩人隱
凡亦忘情總
饒老手通盤算
只似兒曹鬪
草贏角上紛紛
排陣蟻睫前
擾擾過飛蟲
莫啣當局同游戲
得失心空始不爭

夜熱不成寐聞秋蟲聲

循環造化機
陽壯陰已伏
不知昆蟲智
何以先草木
我亦化中人
投閒如病鹿
日長貪午枕
夜睡焉能熟
賴是

敬業堂詩集卷十四

大

心寡營未妨
群動觸徘徊
風露下大火
西流速須臾
雞三號細響
猶斷續誰能將
此意寫入玲瓏曲
樂天玲瓏曲云黃雞

催曉卯時鳴白
日催年酉時沒

一草亭後補築土墻同灌園越秀賦

缺後方思補
誰防未雨時
大都勞版築
不過當樊籬
儉與茆亭配
低於菜圃宜
墻頭環埭留
看一帆移

城堞

墻北
面環

月夜得南昌消息知恒齋歸期猶未定

客來依地主
去客翻留萬事盡
如此一官難自由
日長愁過夏
夜靜漸知秋
若上滕王閣
休忘庾亮樓

蟬蛻和灌園韻

不應已蛻尚名蟬彈指難留過去緣枯比老僧初入定
輕如羽客乍登仙誰云解脫非生理始信飛鳴是後天
從此螳螂無攫意機心不上七條絃

除草

病暍貪微涼空庭方夜坐蚊雷來茂草一唱千萬和誰
能忍痒肌委身餽群餓可憐蜘蛛巧布網僅如磨暗飛
餘地多舐觸凡幾個老夫爲暫避竒計出高臥除惡務
其源攻先窟穴破披衣早起刈草僕晨課一聞奏刀
聲快若風雨過非云迹盡掃但使勢少挫滋蔓或養奸
斯言可喻大

灌園用瓷盆斟水浮以花片畜魚苗其中作案

敬業堂詩集卷十四

九

頭清玩索余賦之戲成二絕句

詩翁六十如兒戲一勺分江几案間少片壺中九華石

湖口李正臣蓄異石名壺
中九華東坡山谷皆有詩配他剝水作殘山

魚吹花瓣亦生瀾水擊鵬飛一樣寬下得南華新注脚
藕絲針孔是竒觀

露坐待月

城頭待月月未出一綫飛光曳長白明朝有客渡湖來
湖面應添落星石

苦旱

積雨乃祈晴久晴迺望雨如何望雨意止在驅炎暑難
將田野情一概例官府江流空浩浩不救稔與黍南山

昨日雲竚待商羊舞狂飈忽捲散吹井作乾土朝來禱
龍祠會衆伐大鼓此邦歲早穫隣郡給商賈六月合嘗
新過時恐無補可憐關中旱移粟累晉楚糧船從東來
輓送方接武時方輓運八楚漕艘家家募丁壯日日候江澣寧知
餽運人自迫忍饑苦天心莽難測含痛向誰語

起最早

竹亭宜早起獨自繞廊行漸覺月光淡不知天色明草
長兼露重庭曠得風輕牆缺廬山好峯峰似染成

冒風渡湖口

湖欲與江合江猶吞吐間浪頭千點白一點是鞋山

立秋夜彭澤舟中

敬業堂詩集卷十四

三

斗柄轉城頭江聲健入秋若逢明月夜應作小孤遊水
柵依茆屋風帆帶荻洲半年遷客夢星露警扁舟

雨後登彭澤北山佛閣

眼界江天濶登臨即大觀雲根連地拔山勢讓城寬路
險苔偏滑風涼汗易乾夕陽紅欲墮好是獨凭欄

彭澤縣雨中望小孤山

龍城望小孤巖樹近可數何來雲一片遮斷蘆花渚遠
勢入微茫彭郎磯外雨龍城彭澤驛名

七月初三夜

七月初三月如弓未上弦涼風彭澤柳遠火望江船不
波夜坐聊爲枕舵眠傍人多咲我辜負早秋天時余微疾

秋暑

大火初流暑未清長川落日正西傾氣蒸遠水浮天動
血染殘霞照夜明蟋蟀豈知催雨意蒹葭只惜報風聲
故鄉消息經時斷白髮無端一夕生

發彭澤紀事和恒齋

吳楚西來太驛騷亂帆尾上千艘戍旗不動方傳箭
秋水初平尚滿槽樂天詩江鋪滿槽水樹豁忽疑遙岸盡天長不
覺遠山高民間疾苦原難悉移粟徒煩 睿慮勞

遊下石鐘題山響樓壁

牛羊滿山似可驅鞭之不動非石乎懸崖無根乃有株

敬業堂詩集卷十四

主

老榦亂拔千章榆嵌空樓閣凌紫虛列仙遠邀山澤臞
落星如漚漂大孤五老拱揖朝香爐沙洲鎖斷九江脉
正面全受鄱陽湖湖波本清如碧驢下流盡被江所汚
是日大風聲拔木洪濤倒挾雷霆趨須臾風止平若鋪
細聽林籟鳴笙竽石鐘非鐘扣亦愚孰辨清越分涵胡
作詩一咲解者無四壁自看江山圖

江聲閣次家聲山壁間舊韻

勿將架構擬人工百尺高樓萬里風彭蠡遠帆斜出口
匡廬晴翠淡粘空涼生欄檻秋先爽助得江山句轉雄
好是不題名姓在免教僧費碧紗籠

王令詒自吳淞至淦城連牀話舊驚聞錢越江

學士京邸訃信悲感文集即事成詩

急雨渡江來蕭然挾秋氣清風偕好友一夕千里至殘
燈照黃昏梧葉響階砌荒城忽連榻此會出不意可憐
窮旅人一咲天併忌新歡猶未極旋墮傷心淚憶昨客
京華青衫最憔悴髯公獨好我不與時並棄往往合酒
徒開懷使沈醉江湖莽回首已若隔生事那復承訃音
嗚呼別離地君頭絲欲換余齒豁已隊浮生知幾何聚
散逆難計吟蛩耿敗壁達旦兩無寐

宋中丞牧仲自江西移撫江蘇邀余入幕投詩
辭之

此遊本意因廬嶽半載逡巡未謁公擬束歸裝向湓口

敬業堂詩集卷十四

三

送移旌節赴江東空煩使命雲霄上豈有人才道路中
敢謂山林便野性倦飛無分借秋風

同王令詒泛甘棠湖至城南謁陶白祠

艇子打兩槳剪風如燕梢白鷺導我前行行入蘆茭古
祠晝常故不待遊人敲門前十畝田

按碑記云有田十畝即以給居僧

夏旱土不膠牛宮柱歌側旁種苦菜匏居僧老業農叱

犢犂黃茅苦云生理拙歲歲山田燒入門風氣適沙水
互裹包湖光隱林杪山色遮城坳天然好位置結構宜

槽櫟緬懷二先生潛見各一爻潔身苟有歸千載應神
交如何斗室中湫隘隣榻庖誰能移佛座勿令名實淆

正室三間中設大士像而二公祠
反在其左與僧廚偏處殊不稱也

送令詒歸青浦即次留別原韻

遠別無善地况乃當淦城送客不思鄉此語非人情鄉
心我久發非緣送君生輪君後我來竟復先我行大江
秋滾滾日氣昏離程斷雁思舊侶聞鷗狎新盟茫茫對
岐路歸計何時成

敬業堂詩集卷十四

敬業堂詩集卷十四

七

